

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

IX. Nihil tamen contradictione sua effecit Episcopus Thessalonicensis,
mansitque novo Archiespiscopo sua auctoritas. Probatur ex novo
Archiepiscopo personæque Episcoporum primæ Iustinianæ subjectæ ...

urn:nbn:de:hbz:466:1-15617

ita hoc loco intelligendum esse ut de synodo agat Illyricana carum tantum provinciarum quae primæ Iustinianæ Episcopo subiectæ erant, id primò prohibet, quod probabile non sit eam synodum aliquid ausuram fuisse super suo Archiepiscopo, quem Episcopi illarum provinciarum contemnere tam citò non poterant, vivo adhuc Iustiniano, præsternim cum cause personæque Archiepiscoporum istius sedis subiectæ essent Romano Pontifici, ut adnotabitur paulò post. Prohibet præterea Facundus Hermianensis, qui inter defensores Trium Capitulorum nominat Episcopos Helladis, Illyrici, atque Dalmatiæ, hauddubiè dicturus cuius Illyrici, si factum id fuisset in synodo carum tantum provinciarum quae primæ Iustinianæ fuerant contributæ. Scio sanctum Gregorium ad Episcopos scribentem earundem provinciarum, de ordinatione Ioannis Episcopi primæ Iustinianæ, epistolam suam directam *xiiij. universis Episcopis per Illyricum*, eos admonens uti ei, qui vices apostolicæ sedis obtineret, in his qua ad ordinem ecclesiasticum restitutinemque pertinent disciplina, *sive in aliis quibus canonum decretata non obstant*, parere nullo modo different. Certum est sanctum Gregorium heic Episcoporum Illyrianorum nomine eos tantum intelligere qui Ioanni subiecti erant ratione sua Ecclesiæ, neque accipendum esse de universi omnino Episcopis Illyrici, unde concludi possit Victorem quoque Tunnonensem locutum esse de synodo Illyricana carum tantum provinciarum quæ à jurisdictione Thessalonicensis antistitis resectæ, in jus & potestatem transierant Archiepiscopi primæ Iustinianæ. Verum non arbitror, ut jam dixi, ausuros aliquid super Benenato Episcopos earum provinciarum, recentibus tum initiis dignitatis ejus quam illi lege sua contulerat Iustinianus, præsternim cum nullibi extent indicia contradictionis eorum. Dispar ratio erat Episcopi Thessalonicensis: qui cernens sibi fieri injuriam, ac se deprimi, ut iste attolleretur, eum hauddubiè non habuit pro Archiepiscopo, adeoque eum, tanquam adhuc sibi subiectum, in sua synodo damnavit. Simile aliquatenus exemplum habemus hodie in causa archiepiscopatus Parisiensis, resecti ab archiepiscopatu Senonensi auctoritate Urbani V IIII. Romani Pontificis, cum consensu Ludovici X IIII. Regis Francorum Christianissimi. Nam licet iste sit constitutus in urbe regia, dignitatemque suam semper retineat, Archiepiscopus tamen Senonensis illum diù non habuit pro Archiepiscopo, eumque ad conventus ecclesiasticos provinciae sue post ea tempora evocavit, etiam in

oculis Principis. Quidni Episcopus Thessalonicensis, cuius magna haec tenus auctoritas apud eas gentes fuerat, quique plurium magnarum provinciarum ejus imperio suetarum favore hauddubiè adjuvabatur, idem audebat aduersus Episcopum primæ Iustinianæ?

IX. Nihil tamen contradictione sua efficit Episcopus Thessalonicensis, mansitque novo Archiepiscopo auctoritas quam illi lege sua & commendatione apud Romanos Pontifices procuraverat Imperator Iustinianus. Discimus istud ex epistolis sancti Gregorij, quæ docent eum una cum Pallio vices suas Ioanni Episcopo primæ Iustinianæ commissæ *juxta morem, & iterata*, ut ipse ait, *innovatione*. Vnde recte concludit illustrissimus Archiepiscopus, id circa Episcopos sedis illius observatum esse per illas tempestates, ut Romani Pontifices singulis Archiepiscopis, statim ac isti consecrati erant, vices apostolicæ sedis & Pallium conferrent, & causas personalsque eorum subiectas fuisse censurae Romanorum Pontificum. Ioannes Episcopus primæ Iustinianæ Hadrianum Thebanum Episcopum ab episcopatu dejecerat occasione vicium sedis apostolicæ, ut docet sanctus Gregorius. Venit is Romam, de iniquo iudicio expostulatus. Gregorius verò suscepit causæ istius cognitione, lalentiam Ioannis, tum quia suspensa erat per appellatiōnem ad sedem apostolicam, tum quia contra leges canoniques prolatæ ipso non poterat jure subsistere, cassavit, & Hadrianum Thebanum Ecclesiæ restituit, Ioannem porrò, donec aliquid gravius circa ipsum decerneret, triginta dierum spatio sacra communione privavit.

X. Amplia illa Archiepiscopi primæ Iustinianæ auctoritas efficit ut ei Patriarchæ dignitas & appellatio tributa sit à nonnullis antiquis scriptoribus, ejusque propterea subscriptionem in ordine Patriarcharum admisam in Trullana synodo putaverit illustrissimus Cardinalis Perroni, similitudine nomini deceptus; cùm tamen in ea synodo non agatur de Archiepiscopo primæ Iustinianæ, sed de Episcopo Constantia Cypri, quæ & Iustinianopolis dicebatur, ut obliteratum est ab illustrissimo Archiepiscopo.

XI. Per eadem fortean Iustiniani tempora Thessalonicensi Episcopo adempta est auctoritas in Achaiam & Hellada, quæ Corinthio Episcopo ceu Romani Pontificis Vicario deinceps paruerunt. Hellados certè tanquam ab Illyrico distinctæ meminit Facundus Hermianensis, qui scribat anno Iustiniani, ut supra dictum est. Præterea sanctus Gregorius ad Ioannem Corinthiorum Episcopum scribit se, prædecessorum suo-

*S. Gregor lib. 4.
Indic. 13. epist.
13. 19.*

*Marcus in lib. de
Primat. §. 47.*

*Vide super lib. 2.
cap. 9. §. 2. & in
lib. de Primat.
§. 44.*